

天鎮縣志卷之六

知縣張

坊補輯

仙釋

六合之外存而不論六合之內論而不議虛無寂滅之
教教固不在聖人議論之中而其道之在天地靜可以延
年空可以息智數千百年神仙佛祖無時無地不與人
相接也吾黨亦存其意而已志仙釋

呂洞賓常往來神頭山山上有洞最幽邃相傳純陽時居
此名呂仙洞

黃綠紅衣仙在盆山宣德二年冬有馮姓採樵於此見三仙奕於泉西之石砵采神異旁觀良久詢其姓氏一仙曰而可速去不聞爛柯事乎歸報爾守此地多建祠宇為神仙遊息之地馮歸報守守急往視遙見三仙胥跨鶴騎鹿而起至今石上足跡猶存

雲和尚名照祥幼叅學四方後居財神廟于所不讀文翰尤冠時流年八十餘而神清貌藏蓋真有所得者